



7. januar 2008

Inatsisartut suleriaasianni § 36 imm. 1 naapertorlugu Naalakkersuisunut imaattumik apeqquteqarpunga:

Piareersarfiit pillugit Naalakkersuisunut apeqquteqaat

(Inatsisartunut ilaasortaq, Marie Fleischer, Demokraatit)

Tunngavigisaq:

Siullermik ilinniartitaanermut Naalakkersuisup ilinniartunut nunatsinni najugaqavissunut tunngatillugu nalilersuinissamut tunngatillugu apeqquteqaatinnut akissuteqaataanut 2. januar 2008 tigusannut qujassuteqarusuppunga. Kisiannili ajoraluartumik maluginiarpara Naalakkersuisup – qulannangitsumik kukkunikkut – Piareersarfinnut tunngatillugu apeqquteqaatikka takkuitsoor-simagai.

Tassani kissaatigaara Naalakkersuisut sinerissami Piareersarfinni ataasiakkaani sulisut suliamut naleqquttumik ilinniarsimanngitsut qassit sulisutut atorneqarnersut, tamatumunngalu atatillugu kissaatigaara nunaqavissunut ilinniarfiit ilinniarnermilu periutsit nalilersorneqarnerini ilinniakkat allat naligalugit nalilersuineri Piareersarfiit peqataatinneqassasut. Tamannali pisimangitsoq maluginiarpara.

Nunatsinni inuit amerlanerusut ilinniagaqalernissaannik siunniussaqaarnermi Piareersarfiit pingaarutilimmik inissisimapput, taamaammallu soorunalimi ilinniarfiit ilinniariaatsillu atorneqar-tut naliliiffiginerini ilaatinneqartariaqarput.

Naalakkersuisunut Ilaasortap Inatsisartut Inatsisaa nr. 6 – 13. maj 1993-imeersoq, tassa Naalak-kersuisunut ilaasortat akisussaaffeqarnerannut tunngasoq ilisimalluassagaa qularinnginnakku, naatsorsuutigaara apeqquteqaatit tiguneriniit ullut suliffiusut qulit qaangiutsinnagit Naalakker-suisut akissuteqarumaartut.